



USTANOVA ZA SOCIJALNO ZBRINJAVANJE ZDRAVSTVENU NJEGU ODGOJ I OBRAZOVANJE - PAZARIĆ
SOCIAL WELFARE AND HEALTHCARE UPBRINGING AND EDUCATION INSTITUTION - PAZARIĆ

Na osnovu člana 44. Zakona o ustanovama socijalne zaštite Federacije BiH (Službene novine F BiH broj: 64/22), člana 37., člana 50. i člana 55. Pravila Ustanove za socijalno zbrinjavanje, zdravstvenu njegu, odgoj i obrazovanje Pazarić (Službene novine F BiH broj: 57/23), Upravni odbor na svojoj 36. sjednici održanoj dana 25.10.2023.godine, donio je;

P R A V I L N I K
O NAČINU OSNIVANJA I UTVRĐIVANJU VISINE NAKNADE ZA RAD RADNIH TIJELA
USTANOVE ZA SOCIJALNO ZBRINJAVANJE, ZDRAVSTVENU NJEGU, ODGOJ I
OBRAZOVANJE-PAZARIĆ

I OPĆE ODREDBE

Član 1.

(1) Ovim Pravilnikom uređuje se način osnivanja i utvrđivanje visine naknade za rad stalnih ili povremenih stručnih tijela kao što su savjeti, komisije, radne grupe i sl. , kada se u slučaju potrebe za analiziranjem i obradom nekih složenih pitanja, izradom pojedinih akata (strategija, elaborata, projekata i sl.) ili provedbom određenih administrativnih ili stručnih postupaka za potrebe Ustanove, imenuju stručna tijela od strane direktora.

II VRSTA I SASTAV POVREMENIH STRUČNIH TIJELA

Član 2.

(1) Stalna radna tijela kao što su: savjeti, komisije, radne grupe i dr., koje se osnivaju radi praćenja ili davanja prijedloga i mišljenja o pitanjima iz nadležnosti Ustanove Pazarić ili odlučivanja o drugim pojedinačnim pitanjima iz nadležnosti Ustanove Pazarić.

2) Povremena radna tijela kao što su: komisije, radne grupe i dr., radi pripreme radnih verzija propisa; izrade analiza na temelju odgovarajućih podataka; davanja prijedloga i mišljenja o pitanjima iz nadležnosti Ustanove Pazarić, kao i radna tijela koja se osnivaju radi obrade nekih složenih pitanja, izrade pojedinih akata (strategija, elaborata, projekata, programa i sl.).

(3) Vrsta i sastav povremenih stručnih tijela iz člana 1., kao i njihov broj, prava i dužnosti njihovih članova utvrđuju se posebnim aktom direktora Ustanove.

Član 3.

(1) Članovi radnih tijela iz člana 2. o mogu biti radnici Ustanove Pazarić, kao i stručnjaci koji nisu u radnom odnosu u Ustanovi Pazarić, a izabrani su zbog svoje stručnosti kao vanjski saradnici.

(2) Aktom o osnivanju radnih tijela mogu se odrediti i osobe koja će obavljati stručne i administrativno-tehničke poslove za potrebe radnog tijela.

Član 4.

(1) Akt o osnivanju radnog tijela obavezno sadrži: nadležnost odnosno zadatak radnog tijela, rok/rokove u kojem radno tijelo treba obaviti zadatak i podnijeti/podnositi izvještaj direktoru, imena i prezimena predsjednika i članova radnog tijela, naziv institucije i radnog mjesta na kojem je predsjednik odnosno član radnog tijela zaposlen, te ime, prezime i naziv radnog mjesta osobe koja će obavljati stručne, odnosno administrativno-tehničke poslove za potrebe radnog tijela, kao i odredbu o pravu na naknadu za rad.

III PRAVO NA NAKNADU ZA RAD I NAČIN UTVRĐIVANJA VISINE NAKNADE ZA RAD

Član 5.

(1) Za sudjelovanje u radu radnih tijela, članovima radnih tijela pripada naknada samo pod uvjetom da su zadatke za koje su zaduženi aktom o osnivanju radnog tijela obavljali izvan redovnog radnog vremena.

(2) Izuzetno od stava (1) ovog člana, radna tijela zadužena za provedbu redovnog godišnjeg popisa stalnih sredstava, obaveza i potraživanja mogu raditi i u redovnom radnom vremenu na poslovima utvrđivanja stvarnog stanja.

(3) Visina naknada za rad u radnim tijelima osnovanim od strane direktora Ustanove Pazarić određuje se do visine naknade utvrđene Uredbom o načinu osnivanja i utvrđivanju visine naknade za rad radnih tijela osnovanih od strane Vlade Federacije BiH i rukovodilaca federalnih organa državne službe.

(4) Osobama koje vrše stručne i administrativno-tehničke poslove za potrebe radnog tijela pripada pravo na naknadu u visini od 80% od visine naknade za člana radnog tijela,

(5) Protiv akta o utvrđivanju prava na naknadu može se podnijeti prigovor direktoru u roku od osam dana od dana prijema akta.

IV IZVJEŠTAVANJE

Član 6.

(1) Rukovodilac Službe za finansije dužan je direktoru dostavljati tromjesečno izvještaje o visini isplaćenih naknada za članove radnih tijela na koje se ovaj pravilnik primjenjuje.

(2) Rukovodilac Službe za finansije dužan je Upravnom i Nadzornom odboru dostavljati najmanje šestomjesečno izvještaje o visini isplaćenih naknada za članove radnih tijela na koje se ovaj pravilnik primjenjuje.

Član 7.

(1) Izvještaj o radu radnog tijela, u ovisnosti od vrste zadatka radi kojeg je radno tijelo osnovano, obavezno sadrži sljedeće elemente:

- a) informaciju, analizu, prijedlog, izvještaj ili mišljenje radi kojeg je radno tijelo osnovano;
- b) radnu verziju akta, pripremljenog u skladu sa aktom o osnivanju radnog tijela;

- c) podatke o broju i vremenu održanih sjednica radnog tijela, uključujući i podatke o radu u dane vikenda ili praznika, kao i podatke o prisustvu članova radnog tijela sjednicama i osoba koja obavljaju stručne, odnosno administrativno-tehničke poslove za potrebe radnog tijela;
- d) podatke o broju i vremenu prekovremenih sati ili sati rada u dane vikenda ili praznika, radi pripreme sjednica radnog tijela.

Član 8.

(1) Izvještaj iz člana 7. ovog pravilnika podnose predsjednici radnih tijela, i to:

- a) za stalna radna tijela - mjesečno najkasnije do 5. radnog dana narednog mjeseca u odnosu na mjesec za koji se podnosi izvještaj, a godišnje, najkasnije do 15. januara naredne godine za prethodnu godinu;
- b) za povremena radna tijela, po okončanju zadatka radi kojeg je radno tijelo osnovano ili mjesečno do 5. radnog dana narednog mjeseca ukoliko radno tijelo zadatak izvršava više mjeseci ;

V PRELAZNE I ZAVRŠNE ODREDBE

Član 9.

(1) Postupak za izmjene i dopune ovog Pravilnika je isti kao i za njegovo donošenje.

Član 10.

(1) Ovaj Pravilnik stupa na snagu osmi dan od dana donošenja i objavit će se na oglasnoj ploči Ustanove Pazarić.

Broj: 02-1-1445-1/01-1/23

Datum: 25.10.2023.godine

PREDSJEDNICA

UPRAVNOG ODBORA

Mirjana Mihalj
Mirjana Mihalj dipl.scr.





USTANOVA ZA SOCIJALNO ZBRINJAVANJE ZDRAVSTVENU NJEGU ODGOJ I OBRAZOVANJE PAZARIĆ
SOCIAL WELFARE AND HEALTHCARE UPBRINGING AND EDUCATION INSTITUTION PAZARIĆ

-UPRAVNI ODBOR-

Broj: 02-1-1445/01-1/23

Datum: 25.10.2023.godine

Na osnovu člana 44. Zakona o ustanovama socijalne zaštite Federacije BiH (Službene novine F BiH broj: 64/22), člana 37. i 55. Pravila Ustanove za socijalno zbrinjavanje, zdravstvenu njegu, odgoj i obrazovanje Pazarić (Službene novine F BiH broj: 57/23), Upravni odbor na svojoj 36. sjednici održanoj dana 25.10.2023.godine, donio je;

ODLUKU

o donošenju Pravilnika o načinu osnivanja i utvrđivanju visine naknade za rad radnih tijela Ustanove za socijalno zbrinjavanje, zdravstvenu njegu, odgoj i obrazovanje Pazarić

Član 1.

Upravni odbor donosi Pravilnik o načinu osnivanja i utvrđivanju visine naknade za rad radnih tijela Ustanove za socijalno zbrinjavanje, zdravstvenu njegu, odgoj i obrazovanje Pazarić.

Član 2.

Sastavni dio odluke je Pravilnik o načinu osnivanja i utvrđivanju visine naknade za rad radnih tijela Ustanove za socijalno zbrinjavanje, zdravstvenu njegu, odgoj i obrazovanje Pazarić.

Član 3.

Odluka stupa na snagu danom donošenja i objavit će se na oglasnoj ploči Ustanove Pazarić.

**PREDSJEDNICA
UPRAVNOG ODBORA**

Mirjana Mihalj
Mirjana Mihalj, dipl.scr

Dostavljeno:

1. Federalno ministarstvo rada i socijalne politike
2. Direktor
3. Sužbe ustanove Pazarić-svima
4. A/a

